

Komisioni për Mbrojtjen e Konkurrencës, në bazë të nenit 28 dhe nenit 19 paragrafi (1) pika 2) të Ligjit për Mbrojtjen e Konkurrencës ("Gazeta Zyrtare e Republikës së Maqedonisë" nr. 145/10, 136/11, 41/2014, 53/16, 83/18 dhe "Gazeta Zyrtare e Republikës së Maqedonisë së Veriut" 208/24 dhe 16/25), duke vepruar sipas njoftimit për përqendrim të parashtruar nga Shoqëria për prodhim dhe tregti Rade Konçar – Transformatorë dhe impiante elektrike - TEP SHPKNJP, bul. Brigada e 3-të Maqedonase nr. 52 Shkup, nëpërmjet personit të autorizuarit Vasko Mitev nga Shkupi, në seancën e mbajtur më datë 29.10.2025, e solli këtë:

AKTVENDIM

1.Konstatohet se përqendrimi me të cilin Shoqëria për prodhim dhe tregti Rade Konçar – Transformatorë dhe impiante elektrike - TEP SHPKNJP, bul. Brigada e 3-të Maqedonase nr. 52 Shkup synon të fitojë kontroll mbi Shoqërinë Aksionare për projektim dhe prodhim të produkteve dhe pajisjeve elektrike Rade Konçar - Aparatna tehnika Shkup, bul. Brigada e 3-të Maqedonase p.nr. Shkup, nëpërmjet shitblerjes së aksioneve, edhe pse bie nën dispozitat e Ligjit për Mbrojtjen e Konkurrencës, nuk do të ketë si pasojë parandalimin, kufizimin ose shtrembërimin e dukshëm të konkurrencës efektive në treg ose në një pjesë thelbësore të tij, veçanërisht si rezultat i krijimit ose forcimit të pozitës dominuese të pjesëmarrësve dhe **është në përputhje me dispozitat e Ligjit për Mbrojtjen e Konkurrencës në kuptim të nenit 19 paragrafi (1) pika 2) të Ligjit për Mbrojtjen e Konkurrencës.**

2.Obligohet parashtruesi i njoftimit për përqendrim të paguajë taksën administrative për njoftimin për përqendrim në shumë prej 6.000,00 den. dhe për aktvendimin në shumë prej 30.000,00 den., sipas numrit tarifar 34 të Ligjit për taksat administrative ("Gazeta Zyrtare e Republikës së Maqedonisë" nr. 17/93, 20/96, 7/98, 13/01, 24/03, 19/04, 61/04, 95/05, 7/06, 70/06, 92/07, 88/08, 130/08, 6/10, 145/10, 17/11, 84/12, 192/15, 23/16 dhe "Gazeta Zyrtare e Republikës së Maqedonisë së Veriut" nr. 151/21) në llogarinë e Buxhetit të Republikës së Maqedonisë nr. 100000000063095, llogaria e pagesës 840...03161, kodi i të hyrave dhe programi 72231300.

3.Padia për fillimin e kontestit administrativ nuk e shtyn ekzekutimin e aktvendimit.

A r s y e t i m

Në përputhje me dispozitat e nenit 15 të Ligjit për Mbrojtjen e Konkurrencës (në tekstin e mëtejme: Ligji), më datë 26.09.2025 dhe më 09.10.2025, dhe plotësuar më 09.10.2025, Komisionit për Mbrojtjen e Konkurrencës (në tekstin e mëtejme: Komisioni) iu dorëzua njoftim për përqendrim nga Shoqëria për prodhim dhe tregti Rade Konçar – Transformatorë dhe impiante elektrike - TEP SHPKNJP, bul. Brigada e 3-të Maqedonase nr. 52 Shkup, me të cilin Shoqëria për prodhim dhe tregti Rade Konçar – Transformatorë dhe impiante elektrike - TEP SHPKNJP do të fitojë kontroll mbi Shoqërinë Aksionare për projektim dhe prodhim të produkteve dhe pajisjeve elektrike Rade Konçar - Aparatna tehnika Shkup, bul. Brigada e 3-të Maqedonase p.nr. Shkup, nëpërmjet shitblerjes së aksioneve.

Komisioni filloi me shqyrtimin e Njoftimit në ditën e pranimit të tij dhe në bazë të të dhënave të dorëzuara në Njoftimin për përqendrim, plotësimin dhe shtojcat e tyre, konstatoi si vijon:

Aktivitetet themelore afariste të ndërmarrjeve të përfshira:

Shoqëria për prodhim dhe tregti Rade Konçar – Transformatorë dhe impiante elektrike - TEP SHPKNJP Shkup me veprimtari prodhimin e aparateve për shpërndarjen dhe kontrollin e energjisë elektrike.

Shoqëria për prodhim dhe tregti Rade Konçar – Transformatorë dhe impiante elektrike - TEP SHPKNJP Shkup është në pronësi të SHPK Rade Konçar-Servis dhe riparime të produkteve elektrike Shkup, me adresë bul. Brigada e 3-të Maqedonase p.nr. Shkup, veprimtaria e së cilës është riparimi dhe mirëmbajtja e pajisjeve elektrike.

SHA Rade Konçar - Aparatna tehnika është me veprimtari të regjistruar të shoqërive holding. Shoqëria realizon të ardhura nga dhënia me qira e hapësirës afariste, fitime kapitale nga shitja e mjeteve financiare dhe dividendët.

Komisioni konstatoi se përqendrimi i njoftuar bie nën dispozitat e Ligjit, sepse plotëson kushtet nga neni 12 paragrafi (1) dhe pika 2) dhe nga neni 14 paragrafi (1) pika 1) dhe 2) të Ligjit për Mbrojtjen e Konkurrencës.

Komisioni, duke pasur parasysh kriteret nga neni 17 paragrafi (2), paragrafi (3) dhe paragrafi (4) i Ligjit për Mbrojtjen e Konkurrencës dhe pikën 6 b) të *Udhëzimeve për përcaktimin e rasteve në të cilat gjatë vlerësimit të përqendrimeve Komisioni për Mbrojtjen e Konkurrencës zakonisht do të konstatojë se ato janë në përputhje me Ligjin për Mbrojtjen e Konkurrencës*, vlerësoi se përqendrimi i njoftuar, edhe bie nën dispozitat e Ligjit, është në përputhje me të, sepse nuk do të ketë si pasojë pengimin, kufizimin apo shtrembërimin e ndjeshëm të konkurrencës efektive në treg ose në një pjesë thelbësore të tij, veçanërisht si rezultat i krijimit apo forcimit të pozitës dominuese të pjesëmarrësve.

Duke pasur parasysh këtë vlerësim të përqendrimit, Komisioni vendosi si në dispozitivin e këtij Aktvendimi, në përputhje me nenin 19 paragrafi (1) pika 2) të Ligjit.

Në përputhje me nenin 53 paragrafi (2) të Ligjit, padia nuk e shtyn ekzekutimin e aktvendimit.

Udhëzim për mjetin juridik:

Kundër këtij vendimi mund të ngrihet padi për fillimin e kontestit administrativ pranë Gjykatës Administrative në afat prej 30 ditësh nga dita e pranimi të aktvendimit.

KOMISIONI PËR MBROJTJEN E KONKURENCËS

KRYETARE

Mr. Малинка Силјановска Николиќ